

關中勝蹟圖志



關中勝蹟圖志卷八

兵部侍郎兼都察院右副都御史陝西巡撫畢沅纂

古蹟  
郊邑

西安府上古造書臺在長安縣西三十里雍勝略三會寺有臺卽蒼頡造書處法苑珠林唐西明寺道宣律師逐靜在京師城南故天業寺修道忽有一人來至律師所問今西京高四土臺俗云是蒼頡造書臺如何答曰蒼頡於此臺上增土造臺觀鳥跡者非無其事又有天人姓陸名元暢來謁律師云所聞高四土臺者本迦葉佛於此第三會說法度人至穆王時文殊目連來卽列子所謂化人者也

云高四臺是迦葉佛說法處因造三會道場至秦穆公時  
扶風獲一石佛穆公棄馬坊中穢污此像公夢之上帝所  
極被責疏覺大怖又欲造佛像於高四臺臺上造重閣高  
三百尺人號高四臺曰高四樓唐上官昭容駕幸三會寺詩釋子談經處軒臣刻字留故臺遺老識殘簡聖皇求駐蹕懷千古開襟望九州四川緣塞合二水夾城流宸翰陪瞻仰天杯接獻酬太平詞藻盛長願托鴻休鄭愔奉和三會寺應制詩鳥籀遺新閣龍旂訪古臺造書臣頡往觀籍帝羲來睿覽山川匝宸心宇宙開梵音隨駐輦天步接乘杯舊苑經寒露殘池問劫灰散花將捧日俱喜聖慈開峯參題三會寺蒼頡造書臺詩野寺荒臺晚寒天古木悲空階有鳥跡猶似造書時

陰康氏陵在驪山之南路史陰康氏葬浮肺山之陰  
華胥渚在藍田縣北三十五里長安志華胥陵在縣西二

十里通志伏羲氏母居也今陵及華胥溝毓聖橋枯棗樹俱存

尊盧氏陵在藍田縣東三十里玉山之西路史尊盧氏葬浮肺山之陰注卽今藍田山見後魏風土記

流金泊在涇陽縣北五十里通志黃帝鑄鼎處

夏三過村在鄠縣北二十里連山易顥頊五代孫鯀封於崇史記鯀治水功用不成禹痛父罔功八年三過其門不入縣志三過村舊傳卽其處

甘亭在鄠縣西南五里史記夏本紀注馬融曰甘有扈氏南郊地名索隱夏啓所伐扈南有甘亭

商毫亭史記六國表注徐廣曰京兆杜縣有毫亭

王季陵在鄂縣西五里渼陂村戰國策昔王季葬於楚山

謹案論衡作滑山之尾染水謹案卽大染水出麟遊齧其墓史記周本紀注

皇甫謐曰葬鄂縣之南山縣志春秋祀焉

周文王陵在咸陽縣北一十五里畢原上山海經狄山文王葬其所竹書紀年文王葬畢西於豐三十里長安志漢書曰太子發上祭於畢下至於盟津畢文王墓近鎬也會

典文武成康陵俱陝西西安府祭

謹案皇覽云文武周公冢在扶風安陵縣西北畢陌中大冢是也今以爲周

文冢者非皇覽之說不知何所據附存之以博異

臣謹案自古聖帝明王哲臣往聖存樹風猷沒隨陵谷

矧關中爲周漢隋唐舊都喬陵巨闕什倍他邦顧一殘  
於董卓再發於溫韜封殖已亡其大半至宋熙寧中興  
利之臣豎議令民耕種芟夷尤甚焉明初惟洪武九年  
曾遣國子生周渭等三十人分視帝王陵寢百步內  
禁人樵牧設陵戶二人守之三年一遣致祭以後卽視  
爲具文而有司之留意者亦鮮我朝深仁厚澤於順治  
二年四月諭陝西路首舉歷代帝王陵寢在秦中者有  
司照例以時致祭及名臣賢士墳墓俱嚴禁奸民掘毀  
嗣是春秋祀事載在會典而外凡遇國家大慶典特遣  
重臣親齋牲帛展事諸陵祭告之文豐碑林立臣自蒞

任以後每因公經過各府州縣凡有陵墓所在必爲下車瞻拜咨訪顧隧埏半已榛蕪封樹亦多殘刦揆厥所由大抵爲陵戶侵漁所致因與省僚集議令各守土者卽其邱隴塋兆料量四至先定封域安立界石並築券牆牆外各拓餘地守陵人照戶給單資其口食春秋享祀互相稽核庶古蹟不就湮蕪而亦以仰普皇仁於無旣云

武王陵在文王陵北汲冢周書成王元年夏六月葬武王於畢太平寰宇記武王陵在縣北一十五里

成王陵在文王陵西南長安志在縣西北二十里

康王陵在文王陵東南長安志在縣北十五里通志成王  
陵蓋塋分祭康王陵鄆縣分祭

穆王陵在長安縣西南二十五里太平寰宇記在張恭村  
長安志村近咸陽

周公墓在文王墓東史記魯世家周公在豐病曰必葬我  
成周以明吾不敢離王既卒成王葬周公於畢以明不敢  
臣周公也太平寰宇記周公墓在縣北十里

太公墓在文王陵東史記齊世家注太公封於營邱比及  
五世皆反葬於周太平寰宇記太公冢在縣北二十五里

謹案皇覽冢墓記云太公葬於臨淄在縣城南十  
里齊記補遺則云太公葬於周齊人葬衣冠於此

烽火樓在臨潼縣驪山下史記周本紀褒姒不好笑幽王欲其笑舉烽火諸侯至而無寇乃大笑

幽王城在臨潼縣東南戲水上長安志一名幽王壘城高八尺周二百尺十步國語幽王滅于戲蘇林漢書注新豐縣東南戲亭是也有陵在焉太平寰宇記陵在縣東北二十五里長安志兩京道里記曰陵高一丈三尺周三百步扁鵲墓在臨潼縣東北三十里史記扁鵲傳扁鵲渤海郡鄭人謹案渤海有鄭縣無爲醫名聞天下來入咸陽秦太醫令李醯自知技不如鵲使人刺殺之

老子墓在盩厔縣東南三十里水經注就水北經大陵世

謂之老子陵昔李耳爲周柱史以世衰入戎於此有家事  
非經證然莊周著書云老聃死秦失弔之是非不死之言  
秦子午鎮在長安縣南五十五里通志宋景祐三年置以  
南山子午谷名舊有子午關戰國策秦張儀曰秦一軍塞  
午道鮑彪注北山是子南山是午顏師古漢書注今京城  
直南山有谷通梁漢道者名子午谷三秦記長安正南山  
名秦嶺谷名子午胡三省通鑑注唐廣德二年吐蕃旣去  
亡軍逃卒猶竄伏南山子午等五谷爲患南山西接岐山  
東抵虢州界谷之大者有子午谷駱谷斜谷藍田衡嶺五  
谷通鑑地理通釋梁王神念以舊路沿山避水橋梁多毀

別開乾路更名子午道卽此路是也舊道在今金州安康縣界語曰山水險阻黃金子午魏張邵由子午欲攻漢中曹真從子午南入漢中桓溫伐秦命司馬勛出子午道漢平帝元始五年王莽通子午道從杜陵直絕南山徑漢中因置關宋於子午谷口置陽嶺寨西城路置渭門寨分水寨皆備禦之要

中渭橋在長安縣西北二十五里括地志本名橫橋架渭水上橋對橫門故名史記文帝紀代王至渭橋注蘇林曰在長安故城東三里索隱三輔故事咸陽宮在渭北興樂宮在渭南謹案水經注作長樂宮秦昭王通兩宮之間作渭橋長三

百八十步張釋之傳文帝行出中渭橋有人從橋下過驚  
乘輿馬索隱渭橋有三所一在城西北咸陽路曰西渭橋  
一在東北高陵道曰東渭橋其中渭橋在故城之北三輔  
黃圖渭水貫都以象天漢橫橋南渡以法牽牛水經注水  
上有梁謂之渭橋秦制也亦曰便門橋橋廣六丈南北三  
百八十步六十八間七百五十柱一百二十二梁南北有  
堤激立石柱柱南京兆主之柱北馮翊主之有令丞有領  
徒千五百人橋之北首壘石水中故謂之石柱橋後董卓  
入關遂焚此橋魏武帝更修之橋廣三丈六尺通鑑晉永  
和十二年秦王生發三輔民治渭橋元和郡縣志劉裕入

關又毀之後魏重造唐貞觀十年移於今所雍錄舊名渭橋因西有便門橋東有東渭橋故加中以別之

唐喬潭中  
渭橋記自

鳥鼠穴者茲水廣矣依鳳凰城者茲橋壯矣水朝巨海而不竭橋通大路而居要不然豈自秦至我唐六千甲子而獨存也稽厥宏道率茲帝圻候天根之見當農務之隙司金司木鳩而積也水工木工速而至也揮刃落雪荷鍤成雲京兆尹紫綬而董之邑吏墨綬以臨之遠邇子來結構勿亟無小無大咸稱天休經之營之不愆於素丹柱插於坎陷朱欄施而電炫乃虹引成勢猶雀填就功連橫門抵禁苑南馳終嶺商洛北走口池廊峙濟濟有衆憧憧往來車馬載馳而不危水潦起漲而轉固人思啓者吾其能濟艷艷赫赫轟轟且周穆之駕龜鼈振千祀也東明之聚魚鼈稱一時也孰若我由之而必達憑之而必安若以匹敵夫何遠矣潭遂因行邁覩茲崇飾將刊石以表迹敢

揭札以紀事赤奮歲流火之月也

邵平瓜田在長安縣西北水經注青門外舊出好瓜者廣

陵人邵平爲秦東陵侯秦破爲布衣種瓜於此門瓜美故世謂之東陵瓜

皇子陂在縣南二十五里水經注皇子陂在樊川太平寰宇記陂在啓夏門南三十里陂北原上有秦王子冢因以爲名隋文帝改爲永安陂周迴九里

蘭池陂在咸寧縣東二十五里三秦記始皇引渭水爲池東西二百里南北二十里築爲蓬瀛刻石爲鯨魚長二百分尺括地志蘭池陂卽古之蘭池在咸陽縣界

昭襄王墓史記秦始皇本紀葬茝陽索隱芷陽也水經注霸水逕白鹿原東卽霸川之西故芷陽矣史記秦襄王葬

芷陽者是也

謹案芷與茝同

通志括地志云在雍州新豐縣西南

三十五里以地計之當在咸寧界中

孝文王壽陵在咸寧縣通化門外史記秦始皇本紀孝文

王葬壽陵注陵在雍州萬年縣東北二十五里

莊襄王陵在咸寧縣通化門外史記莊襄王葬茝陽注括  
地志云陵在雍州新豐縣西南三十五里俗亦謂子楚始  
皇陵在北故亦謂爲見子陵水經注霸水東逕子楚陵北

皇甫謐曰秦莊王葬於茝陽之驪山通志今青門大家是

謹案長安志尖冢皇覽云是呂不韋冢三輔舊事云是子  
楚母冢皆非按兩京記則襄王壽陵也攷隋唐嘉話望京  
城東有冢俗謂呂不韋冢以其尖上亦謂之尖冢咸亨初  
有英禪師言見鬼物云秦襄王過其家索食自言是其冢

而人妄指爲不韋也兩說頗相類嘉話  
稍涉怪妄不如據兩京記之爲當也

二世皇帝陵在宜春苑南史記秦始皇本紀趙高以黔首  
葬二世杜南宜春苑中注括地志云陵在雍州萬年縣南  
三十四里

章邯臺在興平縣東南十里通志項羽封章邯爲雍王都  
廢邱故有此臺

坑儒谷在臨潼縣西南五里漢書儒林傳序師古曰今新  
豐縣溫湯之處號愍儒鄉溫湯西南三里有馬谷谷之西  
岸有坑古老相傳以爲秦坑儒處也衛宏古文尚書序秦  
既焚書恐天下不從所改更法而諸生到者拜爲郎乃密

令冬種瓜於驪山坑谷中溫處瓜實成詔博士諸生說之

人人不同命就視之伏機發壓之以土太平寰宇記唐玄

宗詔爲旌儒鄉立廟命賈至爲碑文

唐司空圖秦坑儒谷銘秦術戾儒厥民斯

酷刑

秦儒既坑厥祀隨覆天復儒雖儒祀而族秦坑儒

耶儒坑秦耶

謹案唐旌儒廟碑宋時重立今存

恨石在臨潼縣東十里長安志在秦始皇陵東南二里形

似龜初始皇遠採此石將致之驪山不復動石崇一丈八

尺周十八步

唐皇甫湜恨石銘恨石蒼蒼驪山之傍鏽朴

人茲焉惶惶發石北山言礎於墳若有憑依屹住中達淫

刑蹙迫人力無施故老相傳以恨名之自昔太古不封不

樹有葛於溝有薪於野後聖有作緣情不忍爲之棺槨其

在唐虞則惟窺木噫嘻暴秦虐用其人墳而象山下鋗三

泉窮珍縱奇力瘁則殫驅逐而前如刈草菅天毒其衷神

憤其凶讐戍一呼九州風從棘挺溪荆指麾崤潼險阻不